

2016ko urriaren 14a, ostirala

# XEDAPEN OROKORRAK

EUSKAL HERRIKO UNIBERTSITATEA

4322

*ERABAKIA, 2016ko irailaren 29koa, UPV/EHUko Gobernu Kontseiluarena: Hezkuntza, Filosofia eta Antropologia Fakultatearen arautegia onartzeko dena.*

UPV/EHUko Ikastegien Oinarrizko Arautegiaren 2.2 artikulua dio Gobernu Kontseiluaren esku-mena dela ikastegien arautegiak onartzea.

Espedientea tramitaturik, Hezkuntza, Filosofia eta Antropologia Fakultatearen arautegi proposamenak bere txostena jaso du.

Beraz, eta idazkari nagusiak hala proposatuta, Gobernu Kontseiluak ondokoa

## ERABAKI DU:

Lehenengoa.– Hezkuntza, Filosofia eta Antropologia Fakultatearen Arautegia onartzea, eranskinean ageri den bezala.

Bigarrena.– Agindua ematea Hezkuntza, Filosofia eta Antropologia Fakultatearen Arautegia Euskal Herriko Agintaritzaren Aldizkarian argitaratzeko, hurrengo egunetik indarrean sartuz.

Hirugarrena.– Erabaki honen aurka aukerako berraztertze errekurtsua jar daiteke hilabeteko epean, edo administrazioarekiko auzi errekurtsua, Bilboko administrazio auzietarako epaitegietan, bi hilabeteko epean.

Leioa, 2016ko irailaren 29a.

Errektorea,  
IÑAKI GOIRIZELAIA ORDORIKA.

Idazkari nagusia,  
JOSE LUIS MARTÍN GONZÁLEZ.

## ERANSKINA

## HEZKUNTZA, FILOSOFIA ETA ANTROPOLOGIA FAKULTATEAREN ARAUTEGIA

## 1. artikulua.– Izaera.

Hezkuntza, Filosofia eta Antropologia Fakultateak hezkuntzarekin, filosofiarekin eta antropologiarekin zerikusia daukaten graduko tituluak eskuratzera zuzendutako ikasketak antolatzekeo ardura du eta graduko tituluak, graduondokoak edo bestelakoak lortzera bideratutako ikasketak prozesuak eta administrazioaren arlokoak gidatu, koordinatu eta kudeatuko ditu.

## 2. artikulua.– Egoitza.

Fakultateak honako helbide honetan dauka egoitza: Tolosa hiribidea 70, 20018 Donostia. Fakultateak hainbat gune partekatzen ditu Gipuzkoako Campusean eta, horiez gain, bi eraikin nagusi ditu: aipatu den egoitza eta Irakasle Ikasketen eraikina (Oñati plaza 3, 20018 Donostia).

## 3. artikulua.– Ikastegien Oinarrizko Arautegiko 2. artikuluen zehaztapena.

Hezkuntza, Filosofia eta Antropologia Fakultateak jardungo du indarreko legeriaren, unibertsitatearen Estatutuen eta Ikastegien Oinarrizko Arautegiaren arabera eta arau horiek zuzenean aplikatuko zaizkio. Horrez gain, fakultatea barne arautegi honi ere lotuko zaio, arau horietako xedapenak osatzeko.

## 4. artikulua.– Ikastegien Oinarrizko Arautegiko 9.2 artikuluen zehaztapena.

## 2.– Ikastegiko Batzarrak 50 kide hautetsi izango ditu, era honetara banatuta:

- Irakasle eta ikertzaile iraunkorrak: 31 kide (% 62).
- Gainerako irakasle eta ikertzaileak: 2 kide (% 4).
- Irakasleak: 11 kide (% 22).
- Administrazio eta zerbitzuetako langileak: 6 kide (% 12).

## 5. artikulua.– Ikastegien Oinarrizko Arautegiko 11. artikuluen zehaztapena.

Batzorde iraunkor bat egongo da, honako osakide hauek izango dituen: dekanoa (batzordeko burua izango da), idazkari akademikoa (batzordeko idazkaria izango da), administrazio eta zerbitzuetako langileen artean ardura handiena daukan langilea eta beste hamar kide, era honetara banatuta, irakasle eta ikertzaile iraunkorren sei ordezkari, gainerako irakasle eta ikertzaileen ordezkari bat, ikasleen bi ordezkari eta administrazio eta zerbitzuetako langileen ordezkari bat. Batzordearen eginkizunak izango dira Ikastegien Oinarrizko Arautegiak ikastegiko batzarrari esleitzen dizkion berberak, eskuordetu ezin zaizkionak izan ezik; batzordearen funtzionamendurako oinarrizko arauak ere oinarrizko arautegi horretan ikastegiko batzarrerako ezarritako berberak izango dira.

## 6. artikulua.– Ikastegien Oinarrizko Arautegiko 12.2 artikuluen zehaztapena.

2.– Ikastegiko akademia antolakuntzako batzordeak osakide hauek izango ditu: Akademia Antolakuntzako dekanordea (batzordeko burua izango da) eta ikastegiko idazkari akademikoa (batzordeko idazkaria izango da). Horiez gain, honako hauek ere batzordeko kide izango dira: ikastegian irakasten diren titulazio guztien ordezkari izango diren sail desberdinetako zazpi irakasle, Ikastegiko Batzarrak izendatutako ikasle bat, eta dekanook izendatutako administrazio eta

zerbitzuetako langile bat. Ahalegina egingo da gizonezkoen eta emakumezkoen kopuruak orekatuak izan daitezen eta ez da beharrezkoa izango ikastegiko batzarreko kidea izatea batzorde honetako kide izateko. Beharrezkoa izanez gero azpibatzerdeak eratuko dira, titulazio desberdinak bilduz, kudeaketa errazteko.

7. artikulua.– Ikastegien Oinarrizko Arautegiko 14.1 artikulua zehaztapena.

1.– Euskara batzordea eratuko da, parte hartzerako, kontsultarako eta aholkurako organoa izango dena, eta helburu izango du euskararen erabilera bultzatzea UPV/EHUko planifikazio orokorraren barruan, euskarazko irakats eskaintzaren plangintzan eta jarraipen lanean parte hartzea eta unibertsitate hedakuntzako eta prestakuntzako jarduerak sustatzea. Batzordeak honako osakide hauek izango ditu: dekanoa edo hark bere ordeztutako pertsona (batzordeko burua izango da), irakasle eta ikertzaileen ordezkari bat ikastegian irakasten diren titulazio bakoitzeko, ikasleen bi ordezkari eta administrazio eta zerbitzuetako langileen ordezkari bat. Ahalegina egingo da gizonezkoen eta emakumezkoen kopuruak orekatuak izan daitezen eta ez da beharrezkoa izango ikastegiko batzarreko kidea izatea batzorde honetako kide izateko.

8. artikulua.– Ikastegien Oinarrizko Arautegiko 14.2 artikulua zehaztapena.

2.– Ikastegian emakumeen eta gizonen berdintasunerako batzordea egongo da, eta bere gain hartuko ditu unean-unean indarrean egongo den arautegiaren arabera ikastegiari dagozkion egin-kizunak alor horretan. Batzordeak honako osakide hauek izango ditu: dekanoa edo hark bere ordeztutako pertsona (batzordeko burua izango da), irakasle eta ikertzaileen ordezkari bat ikastegian irakasten diren titulazio bakoitzeko, ikasleen bi ordezkari eta administrazio eta zerbitzuetako langileen ordezkari bat. Ahalegina egingo da gizonezkoen eta emakumezkoen kopuruak orekatuak izan daitezen eta ez da beharrezkoa izango ikastegiko batzarreko kidea izatea batzorde honetako kide izateko.

9. artikulua.– Kide anitzeko organoen funtzionamendua. Xedapen orokorra.

Sarbide elektronikoari buruzko legeak eta UPV/EHUko bitarteko elektronikoaren arautegiak ezarritakoarekin bat, fakultateko kide anitzeko organoek lekuan bertan edo urrutitik egin ahal izango dituzte honako hauek: batzordea eratu, bilerak deitu eta egin, erabakiak hartu eta aktak bidali. Urrutitik behar bezala funtzionatzeko, aplikatu beharreko arau orokorretan zein unibertsitate mailako arauetan ezarritako eskakizunak bete beharko dira, eta eskakizun horiek beteko direla bermatzeko bitarteko tekniko eta elektronikoak jarri beharko dira. Zehaztutako baldintzak betetzen diren kasuetan, ikastegiko organo bakoitzak bitarteko elektronikoak erabili daitezkeen ala ez erabaki ahal izango du eta horiek erabiltzeko baldintzak edo xehetasunak zeintzuk diren zehaztu.

10. artikulua.– Ikastegien Oinarrizko Arautegiko 18.3 artikulua zehaztapena.

3.– Kide anitzeko organoetako kideek euren eginkizunak aurrera eramateko beharrezkoak izan ditzaketen dokumentazioa eta informazioa eskuratu nahi izanez gero, idatziz egin beharko diote eskaria idazkari akademikoari, behar besteko aurrerapenez eta gutxienez bilera baino 24 ordu lehenago, eskuratu nahi den informazioa edo dokumentazioa ikastegiko idazkaritzan badago.

11. artikulua.– Ikastegien Oinarrizko Arautegiko 19.1 artikulua zehaztapena.

1.– Kide anitzeko organoa balioz eratzeko, beharrezkoa da kideen gehiengo osoa egotea lehen deialdian, edo kideen heren bat egotea, gutxienez, bigarren deialdian. Bi deialdien artean egon beharreko tartea hamabost minutukoa izango da.

Organoko buruak eta idazkariak beti egon behar dute bileran edo, bestela, euren ordezkoez.

12. artikulua.– Ikastegien Oinarrizko Arautegiko 24.3 artikulua zehaztapena.

3.– Dekanoa sufragio unibertsal haztatuaren bidez aukeratuko da, UPV/EHUren Hauteskundeei buruzko Arautegi Orokorrean ezarritakoaren arabera, eta botoa alde aurretik ematea onartuko da, aipatutako arautegiaren 7. artikuluan araututa dagoen moduan.

13. artikulua.– Hauteskundeei buruzko Arautegi Orokorreko 18.4 artikulua zehaztapena.

4.– Fakultateko dekanok izateko hautagaitzari gobernu taldea eta programa erantsiko zaizkio.

14. artikulua.– Hauteskundeei buruzko Arautegi Orokorreko 19.3 artikulua zehaztapena.

3.– Hautagai gisa aurkeztu nahi izanez gero, hautagaiak idatzia bidali beharko dio kasuan kasuko organoari, eta ez da izango beharrezkoa aurkeztea Ikastegiko Batzarreko kide kopuru jakin baten bermea.

15. artikulua.– Epaimahaiak.

Ikasleen ebaluazioari buruzko arauak jarraiki beharrezkoa izanez gero epaimahaia eratzeko, 1., 2., 3. edo 4. deialdirako, 5. eta 6. deialdietako epaimahaiak arituko dira.

16. artikulua.– Hauteskundeei buruzko Arautegi Orokorreko 4.2 artikulua zehaztapena.

2.– Hautetsiak kargua uzten duenean zerrenda bereko hurrengo kide ez-hautetsiak beteko du haren lekua. Ordezkapena indarrean sartuko da organoko idazkariak jakinarazten duenean, hark leku hutsaren berri izan eta astebeteko epean.

17. artikulua.– Hauteskundeei buruzko Arautegi Orokorreko 4.3 artikulua zehaztapena.

3.– Kide anitzeko organoko titularrak kanpoan edo gaixorik dagoenean eta, oro har, bertan ez dagoenean arrazoi justifikaturen bategatik, behin-behineko ordezkariak beteko du haren lekua. Horretarako, titularrak kide anitzeko organoko buruari bere egoeraren berri eman beharko dio, idatziz, organoaren bilera baino gutxienez 48 ordu lehenago.

## XEDAPEN INDARGABETZAILEA

Arautegi hau indarrean sartzen denean indargabetuta geratuko dira Filosofia eta Hezkuntza Zientzien Fakultatearen Arautegia eta Donostiako Irakasleen Unibertsitate Eskolaren Arautegia, Euskal Herriko Agintaritzaren Aldizkarian 2012ko uztailearen 18an eta 2012ko urriaren 23an argitaratutakoak, hurrenez hurren.